

Gazeta
1991-yil
21-martdan
chiqa boshlagan

Ishonch

O'zbekiston kasaba uyushmalari Federatsiyasining nashri • 2015-yil 8-yanvar, payshanba, № 4 (3509)

ИШОНЧ ЁРЛИҚЛАРИ ТОПШИРИЛДИ

Ўзбекистон Республикаси Президенти Ислам Каримов 7 январ куни Оқсаройда Миср Араб Республикаси, Вьетнам Социалистик Республикаси, Хиндистон Республикаси, Индонезия Республикасининг мамлакатимиздаги Фавкуллод ва мухтор элчилари этиб тайинланган Гада ал-Фаннам, Фам Ван Фао, Викрам Дорасвами, Алит Сантикадан ишонч ёрлиқларини қабул қилиб олди.

Давлатимиз раҳбари мамлакатимиздаги дипломатик ваколатхоналарнинг янги тайинланган раҳбарларини самимий қутлар экан, уларнинг шарофли ва масъулиятли фаолиятига муваффақият тилади. Президентимиз Ислам Каримов Ўзбекистон халқаро ва минтақавий долзарб масалаларда тобора муҳим ўрин тутатган Миср, Вьетнам, Хиндистон ва Индонезия билан алоқаларни ҳар томонлама мустаҳкамлашга алоҳида аҳамият бераётганини таъкидлади.

Миср элчиси билан суҳбатда ҳар икки мамлакат сиёсий, савдо-иқтисодий, маданий-гуманитар ва бошқа соҳалардаги ўзаро ҳамкорликни ривожлантиришдан бирдай манфаатдор экани қайд этилди.

Элчи Гада ал-Фаннам дунёда нафақат бой маданий ва тарихий мероси билан машҳур бўлган, айна пайтда замонавий шароитда ишончли ҳамкор сифатида танилган Ўзбекистонда Миср вакили сифатида фаолият юритишини ўзи учун юксак шараф, деб билишини таъкидлади.

Ўзбекистон ва Вьетнам ўртасидаги кўп йиллик алоқалар ва ўзаро манфаатли ҳамкорликка асосланган муносабатлар изчил мустаҳкамланиб бормоқда. Кейинги йилларда турли даражадаги мулоқотларнинг фаоллашуви иқтисодиётнинг реал секторидagi ҳамкорликнинг истиқбол йўналишларини биргаликда белгилаш ва муттасил ривожлантириш имконини бермоқда.

Элчи Фам Ван Фао мамлакатларимиз ўртасидаги ўзаро алоқаларни янада ривожлантириш, давлатлараро битим ва келишувларни амалга оширишда ўзининг куч ва имкониятларини

ҳамда дипломатик тажрибасини ишга солишини таъкидлади.

Ўзбек ва хинд халқларининг кўп асрлик савдо ва маданий алоқалари, дўстлиги ва маънавий яқинлиги турли соҳаларда икки томонлама муносабатларни изчил ривожлантиришнинг мустаҳкам асосини ташкил этади. Хиндистон элчиси билан мулоқот чоғида олий даражадаги таширлар мунтазамлик касб этгани, шунингдек, икки мамлакат ҳукумат тузилмалари, ишбилармон доиралар вакиллари, маданият арбоблари ўртасидаги алоқалар ўзаро манфаатли ҳамкорликни ривожлантириш борасида улкан салоҳият мавжудлигига ёрқин мисоллар экани таъкидланди.

Элчи Викрам Дорасвами Ўзбекистондаги фаолиятини мамлакатларимиз ва халқларимиз ўртасидаги аънавий дўстлик алоқаларини янада ривожлантиришга ҳисса қўшиш учун катта имконият, деб билишини қайд этди.

Ўзбекистон Индонезияга Жануби-шарқий Осиёдаги муҳим ва истиқболли шериклардан бири сифатида қарайди. Бугунги кунда мамлакатларимиз ўзаро манфаатли савдонини ривожлантириш, инвестициявий ҳамкорликни кенгайтириш ва бошқа соҳалардаги алоқаларни чуқурлаштириш борасида улкан имкониятларга эга.

Элчи Алит Сантика Индонезия Ўзбекистон билан узоқ муддатли ва ўзаро манфаатли муносабатларни ривожлантириш тарафдори эканини таъкидлади.

Мулоқотлар чоғида томонларни қизиқтирган халқаро ва минтақавий масалалар бўйича ҳам атрофчилик фикр алмашилди.

ЎЗА

ИЛФОР ТЕХНОЛОГИЯЛАР АСОСИДА



Президентимизнинг 2012 йил 22 ноябрдаги «2013-2015 йилларда Хоразм вилояти sanoati salohiyatini rivojlantirish dasturi tўғрисида»ги қарори асосида олиб борилаётган тизимли ишлар аҳоли бандлиги ва турмуш фаровонлигини янада юксалтиришда муҳим омили бўлмоқда.

Ушбу ҳужжат ижроси доирасида ташкил этилган «Khorezm tech» Ўзбекистон — Жанубий Корея қўшма корхонасида ўттизга яқин турдаги пайпоқ ишлаб чиқа-

рилмоқда. Замонавий, тежамкор технологиялар асосида тайёрланаётган маҳсулотлар юқори сифати билан харидорларга манзур бўлаётир. Корхонада 20 дан зиёд киши

доимий иш билан таъминланган.

Суратда: ишчи Зуҳра Ўрибоева.

Шоназар ҚОРИЕВ (ЎЗА) олган сурат

Илк бор ўтказилган «Самарқанд ифтихорлари» номли тадбирга Ватанимиз мустақиллигини мустаҳкамлашга салмоқли улуш қўшаётган барча соҳа вакиллари қамраб олинди.

САМАРҚАНД ИФТИХОРЛАРИ

Тадбир иштирокчилари «Спортигимиз юлдузлари», «Миллатни дунёга танитган ёшлар», «Қамолот»чилар», «Илм-фан фидойилари» каби қатор номинациялар бўйича тақдирланди.

— Утган йили вилоятимиз спортчилари мамлакатимизда ўтказилган мусобақа ва чемпионатларда 1228 та, Жаҳон ва Осиё чемпионатларида 143 та медални қўлга киритди, — дейди «Динамо» профессионал футбол клуби химоячиси, Ўзбекистон ёшлар терма жамоаси аъзоси Фирдавс Абдусаломов.

Эл суйган санъаткорлар, ёзувчи ва шоирлар билан бўлган мулоқотлар қалбларда муҳрланди, руҳиятга куч бағишлади.

Тадбир доирасида юздан ортик фидойиларга вилоят ҳокимлиги фахрий ёрлиқлари, ҳомий ташкилотлар ҳамда спорт федерацияларининг эсдалик совғалари топширилди.

Нурилла ШАМСИЕВ, «Ishonch» муҳбири

Навоий вилоятида ўнлаб янги бинолар фойдаланишга топширилаётир. Улардан бири Навоий шаҳрига кўрк бўлиб тушган вилоят кўп тармоқли шифонасидир. Мазкур муассаса 200 нафар беморнинг ётиб даволанишига мўлжалланган бўлиб, бунда «Ташхис маркази», «Маслаҳат поликлиникаси» ва бошқа тармоқ турларида ҳам фойдаланиш мумкин.

ОЛИЙ ҲИММАТ

— Таъкидлаш лозимки, муассасанинг барча бўлимлари энг замонавий тиббий жиҳозлар билан таъминланган, — дейди Соғлиқни сақлаш ва фармацевтика ходимлари касаба уюшмаси Республика кенгашининг вилоят бўйича масъул ташкилчиси Боймурод Ниёзов. — Шифона янги йилдан фаолият бошлади. Жамоада бошланғич касаба уюшма кўмитаси ҳам иш юритаётир.

Ўз муҳбиримиз

Қораўзак тумани кўп тармоқли поликлиникаси янги бинодо иш бошлади.

АҲОЛИГА ҚУЛАЙЛИК

— Қиймати 2508,7 млн. сўмини ташкил этадиган бинонинг қуриш-монтаж ишларини «Тибкестрой» масъулияти чекланган фирма жамоаси амалга оширди, — деди туман тиббиёт бirlашмаси бошлиғи Режел Пыщев. — Ҳар куни 150 одамни қабул қилиш имкониятига эга поликлиникамизга малакали шифокор ва ҳамширалар халқимизнинг саломатлиги йўлида хизмат қилмоқда. Тиббиёт бirlашмасининг шошилинч тиббий ёрдам бўлимида реконструкция ишлари сифати тугалланди. Қолган бўлимларда таъмирлаш ишлари давом этаётир.

Ортиқбой МАМУТОВ, «Ishonch» муҳбири

Матбуот анжумани

Ўзбекистон Миллий телерадиокомпанияси «O'zbekiston MTRK media markazi» биносида матбуот анжумани ўтказди.

«МАНАЛЛА» ЭФИРДА

Бугунги кунда Миллий телерадиокомпания тарихида «Madaniyat va ma'rifat», «Dunyo bo'ylab», «Kinoteatr», «Navo», «Diyor», «Oilaviy», «Bolajon» каби рақамли каналлар фаолият юритмоқда. Энди улар сафига янги «Mahalla» маърифий телерадиоканали ҳам қўшилди.

Мазкур канал республика аҳолиси, айниқса, ёшларни маҳалла институтининг демократик давлат ва фуқаролик жамиятини шакллантириш, ижтимоий масалаларни ҳал этишдаги ўрни ва аҳамияти ҳақида кенг хабардор этиш мақсадида ташкил этилди. «Mahalla» фаолиятида ушбу тузилма томонидан ўсиб келаётган авлоднинг маънавий тарбиялаш, оилавий қадриятларни мустаҳкамлаш, ёш оилаларни қўллаб-қувватлаш, қариялар ва аҳолининг ижтимоий ҳимояга муҳтож қатламга манзилли ёрдам кўрсатиш борасида олиб борилаётган ишларни кенг жамоатчиликка етказиш асосий вазифа қилиб белгиланди.

Шунингдек, бандликни таъминлаш, одамлар турмушининг ижтимоий-маънавий шароитларини яхшилаш ва ҳудудларни ободонлаштиришдаги тажрибасини ҳар томонлама тарғиб этиш мақсадида юқори сифатли телерадиомаҳсулотлар тайёрлаш ва уларни халқимизга тақдим этишга эътибор қаратилади.

Дарвоқе, Ўзбекистон Миллий телерадиокомпанияси тизимида янги «Mahalla» маърифий телерадиоканалининг курсатув ва эшитиришлари кечадан эфирга узатила бошланди.

Раъно МАҲКАМОВА, «Ishonch» муҳбири

Ўзбекистон Республикаси Марказий сайлов комиссиясининг ҚАРОРИ

ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИНИ ЎТКАЗУВЧИ САЙЛОВ ОКРУГЛАРИНИ ТУЗИШ Тўғрисида

«Ўзбекистон Республикаси Президенти сайлови тўғрисида»ги Ўзбекистон Республикаси Қонунининг 9, 14-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Қорақалпоғистон Республикаси, вилоятлар ва Тошкент шаҳри чегаралари доирасида Ўзбекистон Республикаси Президенти сайловини ўтказувчи қуйдаги сайлов округлари тузилсин:

1-Қорақалпоғистон сайлов округи

Округ сайлов комиссияси жойлашадиган манзил — Қорақалпоғистон Республикаси Молия вазирлиги биноси, Нукус шаҳри, У.Татибоев кўчаси, 19-уй. Сайловчилар сони — 1159795 киши.

Қорақалпоғистон Республикаси чегараси доирасида.

2-Андижон сайлов округи

Округ сайлов комиссияси жойлашадиган манзил — вилоят касаба уюшмалари ташкилотлари бirlашмаси биноси, Андижон шаҳри, Алишер Навоий кўчаси, 32-уй. Сайловчилар сони — 1923333 киши.

Андижон вилояти чегараси доирасида.

3-Бухоро сайлов округи

Округ сайлов комиссияси жойлашадиган манзил — вилоят касаба уюшмалари ташкилотлари бirlашмаси бино-

си, Бухоро шаҳри, Алишер Навоий шох кўчаси, 3-уй. Сайловчилар сони — 1229045 киши.

Бухоро вилояти чегараси доирасида.

4-Жиззах сайлов округи

Округ сайлов комиссияси жойлашадиган манзил — Республика Маънавият тарғибот маркази вилоят бўлими биноси, Жиззах шаҳри, Шароф Рашидов шох кўчаси, 70-уй. Сайловчилар сони — 813965 киши.

Жиззах вилояти чегараси доирасида.

5-Навоий сайлов округи

Округ сайлов комиссияси жойлашадиган манзил — «Фарҳод» маданият саройи биноси, Навоий шаҳри, Халқлар дўстлиги шох кўчаси, 67-уй. Сайловчилар сони — 628592 киши.

Навоий вилояти чегараси доирасида.

6-Наманган сайлов округи

Округ сайлов комиссияси жойлашадиган манзил — Ёшлар маркази биноси, Наманган шаҳри, Алишер Навоий кўчаси, 15-уй. Сайловчилар сони — 1713268 киши.

Наманган вилояти чегараси доирасида.

7-Самарқанд сайлов округи

Округ сайлов комиссияси жойлашадиган манзил — Самарқанд давлат университети қошидаги 2-академик лицей биноси, Самарқанд шаҳри, Рудакий кўчаси, 237-уй. Сайловчилар сони — 2294602 киши.

Самарқанд вилояти чегараси доирасида.

8-Сирдарё сайлов округи

Округ сайлов комиссияси жойлашадиган манзил — вилоят касаба уюшмалари ташкилотлари бirlашмаси биноси, Гулистон шаҳри, Мустақиллик кўчаси, 66-уй. Сайловчилар сони — 513100 киши.

Сирдарё вилояти чегараси доирасида.

9-Сурхондарё сайлов округи

Округ сайлов комиссияси жойлашадиган манзил — 1-болалар мусика ва санъат мактаби биноси, Термиз шаҳри, Алишер Навоий кўчаси, 12-«В» уй. Сайловчилар сони — 1515308 киши.

Сурхондарё вилояти чегараси доирасида.

10-Тошкент вилояти сайлов округи

Округ сайлов комиссияси жойлашадиган манзил — вилоят молия бошқармаси биноси, Тошкент шаҳри, Миробод тумани, Амир Темури шох кўчаси, 17-уй. Сайловчилар сони — 1905858 киши.

Тошкент вилояти чегараси доирасида.

11-Фарғона сайлов округи

Округ сайлов комиссияси жойлашадиган манзил — Ўзбекистон «Қамолот» ёшлар ижтимоий ҳаракати Фарғона вилояти кенгаши биноси, Фарғона шаҳри, Сайилгоҳ кўчаси, 27-уй. Сайловчилар сони — 2342899 киши.

Фарғона вилояти чегараси доирасида.

12-Хоразм сайлов округи

Округ сайлов комиссияси жойлашадиган манзил — «Барқамол авлод» болалар маркази биноси, Урганч шаҳри, Фафур Фулом кўчаси, 1-уй. Сайловчилар сони — 1127706 киши.

Хоразм вилояти чегараси доирасида.

13-Қашқадарё сайлов округи

Округ сайлов комиссияси жойлашадиган манзил — «Ўзгеобурғунейтгаз» акциядорлик компанияси биноси, Қарши шаҳри, Мустақиллик кўчаси, 35-уй. Сайловчилар сони — 1903740 киши.

Қашқадарё вилояти чегараси доирасида.

14-Тошкент шаҳар сайлов округи

Округ сайлов комиссияси жойлашадиган манзил — Тошкент шаҳар ҳокимлиги маъмурий бинолардан фойдаланиш департаментига қарашли бино, Тошкент шаҳри, Миробод тумани, Амир Темури шох кўчаси, 14-уй. Сайловчилар сони — 1726841 киши.

Тошкент шаҳри чегараси доирасида.

2. Мазкур қарор матбуотда эълон қилинсин.

Марказий сайлов комиссияси
Раиси М.Абдусаломов

Тошкент шаҳри,
2015 йил 7 январ

САЙЛОВ ОКРУГЛАРИ ТАШКИЛ ЭТИЛДИ

Ўзбекистон Республикаси Марказий сайлов комиссиясининг навбатдаги мажлиси бўлиб ўтди. Уни Марказий сайлов комиссияси раиси М.Абдусаломов бошқарди.

Мажлисида «Ўзбекистон Республикаси Президенти сайлови тўғрисида»ги қонуннинг 9-ва 14-моддаларига мувофиқ Ўзбекистон Республикаси Президенти сайлови бўйича сайлов округлари тузиш тўғрисида қарор қабул қилинди. Марказий сайлов комиссияси уларни Қорақалпоғистон Республикаси, вилоятлар ва Тошкент шаҳри чегаралари доирасида тузди.

Мажлисида Ўзбекистон Республикаси Президенти сайловига тайёргарлик қилиш ва уни ўтказиш билан боғлиқ бошқа масалалар ҳам муҳокама қилинди.

ЎЗА

Миллий армиямиз — ғуруримиз, ифтихоримиз

ВАТАН ҲИМОЯЧИЛАРИ ҲУЗУРИДА

Республика касаба уюшмалари тизимида яхши бир аънава мавжуд. Бу ҳам бўлса, умумхалқ ва касб байрамлари арафасида дилтортар учрашувларини ташкил қилишдир. «Ishonch» ва «Ishonch-Доверие» газеталари тахририяти ижодий жамоасининг Чирчиқ шаҳридаги ҳарбий қисмда «Биз сизга ишонимиз ва фахрланамиз» мавзусида ўтказган мулоқоти ҳам ана шу мақсадга хизмат қилади.





ВАТАН ҲИМОЯЧИЛАРИ ҲУЗУРИДА

(Давоми. Бошланиш 1-саҳифада).

Ҳарбий қисм командирининг тарбиявий ишлар бўйича ўринбосари, майор Шухрат Исмоилов тадбирни очар экан, жумладан, шундай деди:

— Ҳарбий қисмимизда шартнома асосида хизмат қилаётган ҳарбий хизматчиларимиз, зобит ва сержантларга, оддий аскарларга катта ғамхўрлик кўрсатилмоқда. Уларнинг аксарият қисми уй-жой билан таъминланиши ҳам буни тасдиқлаб турибди. Офицер ва аскарлар ҳарбий маҳоратларини оширишлари учун барча шароитлар муҳайё. Ҳарбий хизматчиларнинг жанговар тайёргарликларини ошириш, уларнинг жисмонан ва маънавий жиҳатдан юксак даражада бўлишларини таъминлаш мақсадида турли ўқувлар ўтказиб келинмоқда. Хотир-жамлик сабоғи эса шулар жумласидан. Чунки аскар ҳар қандай мураккаб ҳолатда ҳам ақл билан иш кўрмоғи даркор.

Шундан сўнг бош муҳаррир ўринбосари Зайниддин Рихсиев, бўлим муҳаррири Бахтиёр Ризаев, касаба уюшма кўмитаси раиси Неймат Рафиқов Ватан ҳимоячиларини қизгин қутлаб, инсон учун энг шарафли юмуш — эл қорига яраш ва Ватанга бўлган садоқатини амалда исботлаш йўлида соғлик ва бардавомлик тиладилар.

Ҳамидулла Тўхтасинов, оддий аскар:

— Ҳарбий хизматга Фарғона вилояти, Қўштепа туманидан қақирилганман. Авваллари ҳарбийларни кўрганимда

Учрашувда ўқилган шеър

ОМОН БЎЛГИН, БОЛАМ...

Онанинг ўғлига мактуби оддий:

«Омон бўлгин, болам, қайда бўлсанг ҳам...»

Меҳр дилда унар,

Меҳр номоддий,

Меҳр борки, боқий шу моддий олам.

Емоқ-ичмоқликдан қисмас Худойим,

Шарти — пича меҳнат,

Меҳр булоғи.

Дастурхоннинг кўрки бутун нон доим,

Туширмайсан чўп,

Аммо...

Текин томоқ, мазахўрак кўп,

Тортиб олмоқ истар мудом нонингни.

Юрт — кўз қорачиги,

Туширмайсан чўп,

Хатарларга қўйиб азиз жонингни.

Ватан тургунчадир бу дунё асли,

Томир отиб кетган сарҳадлар бўйлаб.

Йилнинг тўрт фасли ҳам тириклик фасли,

Яшай билган учун эртани ўйлаб.

Онанинг ўғлига мактуби оддий:

«Омон бўлгин, болам, қайда бўлсанг ҳам...»

Мухаммад ЗАЙНИДДИН

уларга ниҳоятда ҳавасим келарди. Мана, ниҳоят, орзуим ушалди. Отанам Ҳабибулло ва Муқаддам Исатуллаевлар билан тез-тез учрашиб тура-миз. Бундан бунёнги режам ҳарбий хизматни тугатиб, олий ўқув юртида бил-лим олиш.

Тўланбой Шералиев, оддий аскар:

— Яқиндагина Янги йилни нишонла-ган, бир-биримизга эзгу тилаклар бил-диргандик. Мана энди Ватан ҳимоячи-лари кунини нишонлаш арасидадимиз. Истайманки, юртимиз тинч, осмонимиз мусаффо бўлсин. Кези келганда, ҳар-бий бўлишимга отам — Поп туманидаги «Истиқлол-2» фермер хўжалиғи раҳбари Абдусалим Йигиталиев оқ фотиҳа бер-ганини таъкидлашим лозим. Ҳарбий қасамд қабул қилганимдан кейин мен-да ҳарбий мутахассис бўлиш фикри уй-ғонди. Бу эса, ўз навбатида, тинимсиз ўқиб-ўрганишни тақозо этади.

Шерзод Нарзиев, шартнома бўй-ча ҳарбий хизматчи:

— Бухоро вилоятининг Пешку тумани-данман. Аскарликни ҳам шу ерда ўта-гандим. Уч нафар фарзанднинг отасиман. 10 ёшли ўғлим Ортиқбой ҳам ҳарбий бўлиш орузида. Ишонаманки, фарзан-дим ҳам ўз бахтини шу соҳадан топади.

Ўз мухбиримиз. Икром ҲАСАНОВ олган суратлар

Соғлом бола йили ҳам ортда қолди. Ортга назар ташлаб, амалга оширилган ишларни сарҳисоб қилиш ва янги йил учун режалар тузишнинг айни фурсати. Биз бир гуруҳ касаба уюшма фаоллари билан учрашиб, уларнинг йил якуни ҳақидаги фикр ва мулоҳазалари билан танишдик.

САРҲИСОБ

Боймурод МЕЙЛИЕВ, Транспорт, йўл ва капи-тал қурилиш, қурилиш индустрияси ходимлари касаба уюшмаси Қашқа-дарё вилоят ташкилотла-ри бирлашган касаба уюшма кўмитаси раиси:

— Йил бошида кўмитамиз тизимида аъзолар 13946 нафарни ташкил этган бўлса, ҳозирда 16044 на-фарга етди.

«Соғлом бола йили» дас-тури асосида ходимларнинг ижтимоий-иқтисодий ҳимо-яси юзасидан қатор тадбир-лар амалга оширилди. Жум-ладан, тармоқ тизимидаги корхона ва муассасаларда меҳнат қилаётган, эҳтиёж-манд оилалардан бўлган 15 нафар хотин-қизга Муста-қиллик байрами арасидада электр-маиший техника жи-хозлари берилди. Эҳтиёж-манд ва боқувчисини йўқот-ган оилаларнинг 500 нафар фарзанди учун дарслик ҳамда ўқув қуроллари харид қилиш харажатлари қисман қопланди.

Тармоқ тизимидаги касб-хунар коллежлари битирув-чиларидан 130 нафарига моддий ёрдам кўрсатилди. Икки нафар иқтидорли тала-ба касаба уюшма стипендия-сига сазовор бўлди.

«Касаба-сайр» кўмағида 82 нафар эҳтиёжманд оила вакилларининг Шаҳрисабз, Қарши ва Самарқанд шаҳар-ларига, Қарши шаҳрида исти-қомат қилувчи 46 нафар ходимнинг Бухоро ва

Самарқанд вилоятларига са-ёҳати ташкил этилди.

Фозил ТУРСУНОВ, нефт-газ ва геология ходимла-ри касаба уюшмаси Рес-публика кенгашининг Қаш-қадарё вилоятдаги масъ-ул ташкилотчиси:

— Жорий йилда тармоғи-мизда ёш авлодни қўллаб-қувватлаш бўйича қатор тад-бирлар амалга оширилди. Жумладан, «Шўртангазимё» мажмуасида ходимларнинг 14 ёшгача бўлган фарзандлари ўртасида мини футбол мусо-бақаси ташкил этилиб, голиб ва совриндорлар касаба уюш-ма кўмитаси томонидан муно-сиб тақдирланди. Шунингдек, Қамашидаги «Меҳрибонлик» уйининг 50 нафар тарбияла-нувчиси Самарқанд шаҳрига саёҳат қилдирилди. Бундан ташқари, «Муборакнефтгаз» унитар шўба корхонаси ка-саба уюшма кўмитаси ёз мав-сумида «Ёш алангачи» ором-гоҳида Китоб туманидаги «Меҳрибонлик» уйининг 20 на-фар тарбияланувчисини дам олдириди.

Азамат МУРОДОВ, Ис-теъмом товарлари ишлаб-чиқариш, савдо ва хизмат кўрсатиш ташкилотлари ходимлари касаба уюшма-си Қарши шаҳар кенгаши раиси:

— Тизимимизда 70 дан ортиқ корхона, ташкилот ва муассасалар камраб олинган бўлиб, аъзолар 14 минг на-фардан иборат.

Барча корхона-таш-килотларда жамоа шартнома ва келишув-лари тузилган. Жамоа шартномаларига кўра, йил дастури, ёшлар ва аёллар, меҳнат муҳо-фазаси, ижтимоий ҳимоя, маданий-маъ-рифий, ҳуқуқий, дам олиш ва спорт ҳамда ҳуқуқий ҳимояга оид бандлар қиритилишига эришилди. «Соғлом бола йили» дастури-га асосан 375 нафар ходим-нинг тарихий қадамлар ва Мустақиллик иншоотларига саёҳати уюштирилди.

Президентимизнинг «Ўзе-бекистон Республикасида ёшлар-га оид давлат сиёсатининг амалга оширишга қаратилган қўшимча чора-тадбирлар тўғрисида»ги Қарори ижроси-ни таъминлаш мақсадида ви-лоят ташкилотлари билан бир-галликда 30 ёшгача бўлган хунарманд ва тадбиркорлар ўртасида «Энг фаол ёш хунар-манд» ва «Энг фаол ёш тадбир-кор» номинациялари бўйича кўрик-танлов ташкил этилди.

Янги ташкил этилган бош-ланғич касаба уюшма ташки-лотларига фаолиятини тўғри йўлга қўйишда амалий ёрдам кўрсатиш учун услубий қўллан-малар ва меъёрий ҳужжатлар билан таъминланди.

Акмал АБДИЕВ, «Ishonch» мухбири

Дастур ва ижро

Ўзбекистон Фанлар академиясида касаба уюшма фаолларининг йиғилиши бўлиб ўтди.

ФАХРИЙЛАР ҒАЗОЗЛАНДИ

Йиғилишда тармоқ касаба уюшмаси Республика кенга-ши ходимлари томонидан бошланғич касаба уюшма кўмитаси раислари ва фаол-лари учун жамоа шартнома-ларини янги муддатга тузиш, касаба уюшмасида иш юри-тишининг янги талаблари слайдлар ва кўргазмалар воситалар орқали тушунтириб берилди. Шунингдек, тадбир-да узоқ йиллар самарали меҳ-нат қилган, илмий-тадқиқот йўналишида ютуқларга эриш-ган ҳамда жамоат ишларида фаол иштирок этган, Фанлар академияси тизимида жон-бозлик кўрсатаётган ёши улғу-ходимлар ва фахрийлар Рес-публика кенгаши томонидан рағбатлантирилди.

Ўз мухбиримиз

ИБРАТЛИ ИШЛАР


«Ўзтелеком» акциядор-лик компанияси «Телеком-муникация транспорт тармоғи» филиали Учинчи боғламаса касаба уюшма кўмитаси томонидан «Соғлом бола йили» Давлат дастури асосида ибратли ишлар амалга оширилди.

Жумладан, 3 ёшгача фар-зандлари бор 15 нафар ходим-га совғалар улашилди. Ишчи-хизматчи аёлларнинг Самар-қанд шаҳрига саёҳати ташкил этилди. Ёз мавсумида ходим-ларнинг 38 нафар фарзанди имтиёзли йўлланмалар билан оромгоҳларда хордик чикарди. 14 ёшгача фарзанди бўлган ходимларга «Ишонч» ёшлар те-атрининг байрам томошалар-и учун чипталар тарқатилди.

Боғлама ходимларини спортга жалб қилиш доимий эътиборда бўлиб, стол тенни-си, шахмат-шашка турлари бил-лан шуғулланиш учун етарли шароит яратилиб, мини футбол жамоалари шакллантирилди.

Дарвоқе, ҳаваскор вело-спортчилар ўртасида ўтказил-ган «Касаба-тур» веломарафо-нининг вилоят босқичи голиби Талғабек Бердиев республи-ка босқичида ҳам муваффақия-тли иштирок этди.

Озода МАМАДАЛИЕВА, «Ishonch» мухбири



Танлов

Ўзбек Миллий академик драма театрида Ўзбекистон Республикаси Марказий банки ва Хотин-қизлар кўмитаси ҳамкорлигида ўтказилган «2014 йилнинг энг яхши лойиҳа-си» танлови голибларини тақдирлаш маросими бўлиб ўтди.

ТАДБИРКОР — ЭЛГА МАДАДКОР

Таъкидлаш жоиз, кейинги пайтда Марказий банк ва Хотин-қизлар кўмитаси ҳам-корликда олиб бораётган амалий ишлар ўз самараси-ни бераётир. Жорий йилда мамлакатимиз хотин-қизла-

ри тадбиркорлигини қўллаб-қувватлаш мақсадида бир қатор лойиҳалар ҳаётга тат-биқ этилди. Айни дамда Ўзбекистонда фаолият юри-таётган жами тадбиркорлар-нинг 35, фермерларнинг эса

10 фоизини аёллар ташкил этади.

Тақдимот маросимида «2014 йилнинг энг яхши лойи-ҳаси» танлови голибларига банк маблағларини кафолат-ловчи сертификатлар ва эсда-

лик совғалари топширилди.

— Бугун тадбиркорлар фаолиятида тижорат бан-клари муҳим ўрин тутмоқ-да. Улар ҳуқуқимизни то-монидан яратилган қулай шароитлар, чунончи, банк-ларнинг имтиёзли кредит хизматларидан самарали фойдаланмоқда, — дейди Музаббот туманидаги «Музаббот иссиқ нон» ху-сусий корхонаси раҳбари Мастона Бобоева.

Комила БОЙМУРОДОВА, «Ishonch» мухбири

ҚЎЛИ ЕНГИЛ ШИФОКОРЛАР

Соғлиқни сақлаш вазирлиги тасарруфи-даги Республика 2-клиник шифохонаси Мирзо Улуғбек туманида жойлашган.


— Бу шифохонага ҳар йили келиб даволаниб тураман, — дейди Сирдарё вилоятидан келган бемор Юнус ота Беков. — Шифокорлар хизмати кишини жуда хурсанд қилади. Беморларга бўлган муомаласини айтмайсизми?! Айниқса, кардиоло-гия бўлими катта ҳамшираси Робия Султонова-дан бениҳоят миннатдорман. Қўли енгил бу қизи-мининг бевосита даво чоралари соғайишимга катта ёрдам беради.

Суратда: муолажа жараёнида. Аҳмад ТўРА олган сурат



ЖАРАЁН

Мамлакатимизда ҳар йили ўртача 220-270 километр йўл қурилади ва реконструкция қилинади, замона-вий кўприк ва йўл ўтказгичлар бунёд этилади.



Мамлакатимизда Президентимиз раҳнамолигида замонавий бозор механизмларини яратиш, уларнинг самарадорлигини таъминлаш ва шу асосда барқарор бозор иқтисодийтини шакллантиришнинг муҳим шартига айланган кичик бизнес ва хусусий тадбиркорликни ривожлантиришга алоҳида эътибор қаратилмоқда.

Иқтисодийтимизда кичик бизнес ва хусусий тадбиркорлик улушининг ортиб бораётгани ички бозорни рақобатбардош ҳамда сифатли товарлар билан тўлдириш, замон талабларини инобатга олган ҳолда, хизматлар кўрсатиш соҳасини кенгайтириш, экспортбон маҳсулотларни кўпайтириш, энг муҳими, ёшлар учун янги иш ўринларини яратиш ва шу асосда аҳоли даромади ҳамда фаровонлигини оширишнинг муҳим омилларидан бири бўлди.



Мижоз банк учун эмас, банк миждош учун

бизнесни қўллаб-қувватлашга қаратилган кенг миқдосли тарғибот-ташвиқот ишлари амалга оширилмаётган. Хусусан, кичик бизнес субъектларига, шу билан бирга, ўз ишини бошлаётган ёш тадбиркорларга қўшимча қулайликлар яратиш мақсадида малакали мутахассислар томонидан кредитлар ажратилиши, банк хизматлари юзасидан миждошларга зарур маслаҳатлар берилмоқда.

Фахриддин АЗИЗОВ, Китоб туманидаги "Китоб ип йигирув" МЧЖ раҳбари, Қашқадарь вилояти:
— Давлатимиз томонидан тадбиркорларни ҳар томонлама қўллаб-қувватлаш мақсадида қонунчилик соҳаси-

логияларини кенг қўллаган ҳолда банк хизматларининг тури ва қўламини кенгайтириш бўйича тизимли чора-тадбирлар амалга оширилмаётган. Дарҳақиқат, "Агробанк" Соғлом бола йилида аҳоли турмуш фаровонлиги даражасини ошириш йўлидаги эзгу ишлар қўламини мунтазам кенгайтириб борди. Бу эса миждошларнинг унга бўлган ишончини ошириш баробарида мамлакатимиз иқтисодий салоҳиятини янада юксалтиришда муҳим омил бўлиб хизмат қилмоқда. Жумладан, ҳисобот даврида банк томонидан тадбиркорларга 205 миллиард сўм миқдорда микрокредитлар ажратилиб, йиллик белгиланган параметрлар ижроси 103 фоизни ташкил этди.

тимизда тадбиркор ишбилармонларнинг бизнес лойиҳалари молия муассасалари томонидан кредит маблағлари билан қўллаб-қувватланаётгани соҳа ривожига самарали таъсир кўрсатмоқда. Айниқса, мамлакатимизда тадбиркорлик фаолиятини ҳар томонлама қўллаб-қувватлаш мақсадида ҳуқуқий ва иқтисодий томондан муҳим шарт-шароитлар яратилган. Мен ҳам шундай имкониятдан самарали фойдаланиш учун тадбиркор бўлишни ўз олдимга мақсад қилиб кўйдим. Бизнес лойиҳа асосида "Агробанк"нинг Нарпай филиалига мурожаат этдим. Қуруқ меваларни қадоқлаш учун зарур бўлган ускуналарни харид қилиш ҳамда тадбиркорликни бошлашим учун банк томонидан лойиҳага асосан 272 миллион сўм миқдорда кредит маблағи ажратилди. Мазкур маблағ сабаб, 6 та янги иш ўрни яратилди. Хозирги кунда аҳолига кўп турдаги сифатли қадоқланган мева етказиб бермоқдамиз.

Оиладаги маънавий ва моддий манфаатдорлик уйғунлиги, оила аъзоларининг ишлаб чиқариш жараёнларида фаол иштирокини таъминлайди. Оилавий тадбиркорлик оилани мустақамлаш ва турмуш даражасини яхшилашга, болаларни ҳунарли ҳамда меҳнатсеварлик руҳида тарбиялашга, уларнинг ишбилармонлик салоҳияти ўсишига шароит яратди.

Бугунги кунда оилавий бизнесни ривожлантириш, ишлаб чиқаришни кенгайтириш ва янги иш ўринлари яратишда, умуман, иқтисодий ўсишда банк кредитлари муҳим ўрин тутмоқда. Оилавий бизнес амалда ўзи-



да ҳам, банк-молия тизимида ҳам кенг қўллаб-қувватлашга қаратилган таъкидлаш жоизки, тадбиркорлик фаолиятини йўлга қўйишда банкларнинг молиявий кўмаги айтиш мумкин. Бунинг учун сизда хоҳиш-истакдан ташқари, мукамал бизнес лойиҳаси ҳам бўлиши талаб этилади. Мен ҳам шуларни инобатга олган ҳолда "Агробанк"нинг Китоб филиалига мавсумий кийим-кечаклар ишлаб чиқариш мақсадида кредит сўраб, мурожаат қилдим. Банк ходимлари бизнес лойиҳамни атрофлича ўрганиб, ихобий баҳолади. Фаолиятини бошлаш учун банк томонидан 235 миллион сўм миқдорда кредит маблағи ажратилди. Ушбу маблағ эвазига мураккаб функцияларга эга тикув машиналари олиб келиб ўрнатдик. Қувончлики, жамиятимизда 65 киши иш ўрнига эга бўлди. Корхонамизда катталар ва болалар учун турли хил мавсумий кийим-кечаклар тикилмоқда. Айниқса, ўтган Соғлом бола йилида болажонларимиз учун ҳар томонлама қўлай ва замонавий услубдаги кийим-кечаклар тикишни йўлга қўйдик. Шунингдек, ҳудудимиз аҳолиси учун турли тикиш-бичиш хизматлари ҳам йўлга қўйилган. Хозирда фаолиятимизни янада ривожлантириш мақсадида кўпгина режалар ишлаб чиқиб, муҳим лойиҳалар устида иш олиб бормоқдамиз. Юртимизда ишончли ва кафолатли банк тизимининг самарали ишлаётгани мен каби тадбиркорларни янада муваффақият сари етказмоқда. Шунинг учун ҳам банкларга бўлган ишончимиз ортиб бормоқда.

ни ҳар томонлама қўллаб-қувватлаш, уларни тадбиркорликка кенг жалб этиш учун зарур шарт-шароитлар яратилди. Натижада сўнги йилларда хотин-қизларнинг ижтимоий-иқтисодий ҳаётдаги ўрни, тадбиркор аёлларнинг иқтисодий жараёнлардаги фаоллиги тобора ошиб бормоқда. Хусусан, "Агробанк" томонидан ўтган 2014 йил давомида тадбиркор аёлларнинг бизнес лойиҳаларини молиялаштиришга қарийб 80 миллиард сўм миқдорда кредит маблағлари ажратилди.

Тадбиркорликнинг анъана ва урф-одатларимизга тўла мос келадиган янги шакли — оилавий бизнесни ривожлантиришга юксак даражада эътибор қаратилаётган. Аҳолини ижтимоий қўллаб-қувватлаш ҳамда турмуш фаровонлигини изчил ошириб бориш давлатимизнинг доимий диққат марказида бўлиб келмоқда. Шу мақсадда "Агробанк" томонидан ажратилаётган кредитлардан мақсадли фойдаланиб, ўз фаолиятини ривожлантираётган ёшлар, тадбиркор ишбилармонларнинг эзгу фикрлари билан ўртоқлашдик.

Мадина ЭШҚУВВАТОВА, "Мирбозор машъаласи" МЧЖ раҳбари, Самарқанд вилояти:

— Истиклол шарофати билан юртимизда тадбиркорликка кенг йўл очилди. Биргина тадбиркорларимиз учун давлатимиз томонидан кўрсатилаётган кўмак ва гамхўрлик уларни руҳлантириб, янада фаол бўлишга ундамоқда. Албатта, тадбиркор бўлиш шунчаки ҳой-ю ҳавас эмас, балки кенг мулоҳазали ишбилармон, эртанги кунга ишонч, мукамал бизнес лойиҳа асосида иш бошлашни тақозо этадиган тармоқ десам хато бўлмас. Юр-



нинг ҳар томонлама истиқболли эканини исботлади ва банкларнинг ишончли ҳамкорига айланди. Утган йили бу йўналишда молия муассасаси томонидан оилавий тадбиркорлик ва хунармандчиликни кенгайтириш учун 14 миллиард сўм миқдорда кредитлар ажратилди.

Собир ТОЙИРОВ, "Ибонур плюс кум-шағаллари" оилавий корхонаси раҳбари, Бухоро вилояти:

— Юртимизда яратилган қўлай ишбилармонлик муҳити ҳар бир инсон учун кенг имкониятлар яратмоқда. Бундан унумли фойдаланиб, оилавий тадбиркорликни йўлга қўйиш мақсадида "Агробанк"дан 150 миллион сўм кредит олдим. Олинган кредит эвазига ярим тайёр қурилиш хомашёси ишлаб чиқариш учун зарур бўлган техник асбоб-ускуналар сотиб олдим. Натижада ганч, гипс, шағал ва бошқа турдаги қурилиш хомашёлари ишлаб

чиқарилиши йўлга қўйилди. Хозир корхонамизда йиллик 580 миллион сўм даромад ҳамда 56,7 миллион сўм миқдорда соф фойда олиш имконияти пайдо бўлди. Ажратилган кредит ҳисобига 6 та янги иш ўрни яратилди. Келгусида банкнинг молиявий кўмагида ишлаб чиқариш турини кенгайтиришни ният қилганмиз.

Мамлакатимизда коллеж битирувчиларининг ўз тадбиркорлигини ташкил этиши учун ҳам кенг имкониятлар яратилган. Уларга истиқболли лойиҳа тузишдан бизнес юритишгача бўлган барча жараёнда иқтисодий, ҳуқуқий, моддий ва маънавий кўмак берилмоқда, зарур миқдорда сармоя билан таъминланмоқда. Аҳоли, жумладан, касб-хунар коллежлари битирувчилари бандлигини таъминлаш, тадбиркорлик фаолияти билан шуғулланиш истигади бўлган ёшларни ҳар томонлама қўллаб-қувватлаш айтиш кундаги муҳим вазифалардан биридир. Касб-хунар коллежларини битирган ёшларни тадбиркорлик соҳасига жалб қилиш борасида амалга оширилаётган ишлар юртимиз тараққиёти ва халқимиз фаровонлигини таъминлашдек эзгу мақсадларга хизмат қилмоқда. Урта махсус, касб-хунар таълими муассасалари битирувчиларини ўз тадбиркорлик фаолиятини ташкил этишлари-га яқиндан кўмаклашиш, уларга амалий ёрдам кўрсатиш мақсадида 2015 йилнинг 1 январь ҳолатига қўра, банк томонидан касб-хунар коллежлари битирувчиларига тадбиркорлик фаолиятини бошлаш учун 28 миллиард сўм миқдорда имтиёзли кредитлар ажратилди. Бу борадаги кўрсаткич 105 фоизга бажарилди. Сармоялар ҳисобига коллеж битирувчиларига тадбиркорлик фаолиятини амалга ошириш имконияти яратилди.

Рустам ЭГАМОВ, Богот иқтисодий ва сервис коллежи ўқитувчиси, Хоразм вилояти:

— Ёшларимизнинг ҳар томонлама камол топиши учун юртимизда етарли шарт-шароит мавжуд. Айниқса, ўғил-қизларимизни мустақил ҳаётга тайёрлаш биз мураббийлар, умуман, юртоқдорларимиз олдида турган муҳим масалалардан. Шу сабабли ҳам турли соҳа мутахассислари билан биргаликда давра суҳбатларини доимий равишда ўтказиб тураемиз. Бу борада "Агробанк" ходимлари томонидан олиб борилаётган амалий ишлар анча самарали бўлмоқда. Сабаби, бугунги кунда тадбиркорликни ривожлантириш давлат сиёсати даражасига кўтарилганлиги барчамизга маълум. Коллеж ўқувчилари учун банклар томонидан кўрсатилган хизматлар, кредит, микрокредит, микролизинг, кичик бизнес ва хусусий тадбиркорлик, оилавий бизнес ҳамда хунармандчилик фаолиятини ривожлантириш мақсадида молия муассасалари томонидан олиб борилаётган амалий ишлар ҳақида ёшларга кенгроқ тушуниришлар берилмоқда. Натижада, кўпгина ёшларимиз коллежни битирган тадбиркорлик фаолияти билан шуғулланиш учун ўз келажаги йўлида излашниш олиб бораётганлиги қувонarliдир. Шундай учрашувлардан ўз билимини бойитган ўқувчиларимиздан Нилуфар Жумақова, Бекзод Шокиров, Шаҳодат Матякубовалар ўз бизнес ишланмалари билан иштирок этиб, паррандчиликни ривожлантириш мақсадида ҳар бири "Агробанк"нинг 4 миллион сўм миқдорда кредит маблағларини олишга муваффақ бўлди.

Ораста ДОНИЁРОВА, коллеж битирувчиси, Навоий вилояти:

— Бугун ёшларнинг тадбиркорлик фаолиятини молиявий қўллаб-қувватлашга алоҳида эътибор қаратилмоқда. Хусусан, касб-хунар коллежи битирувчиларининг тадбиркорлик фаолиятини молиялаштиришга ажратилган кредитлар ҳажми кундан-кунга ошиб бормоқда. Мен ҳам бу имкониятдан фойдаланган ҳолда "Агробанк"нинг Нурота филиалидан 12 миллион сўм миқдорда имтиёзли кредит олдим. Олинган кредит эвазига гўзаллик саломи очиб, фаолиятимни йўлга қўйдим. Аввало, тадбиркорлик фаолиятини бошлашимда менга банкнинг моддий кўмаги асқотди. Келгусида банк кўмаги асосида тадбиркорлик фаолиятини янада кенгайтириш режаларим бор.

Мухтасар қилиб айтганда, тадбиркорлик мамлакатнинг нафақат ялпи ички маҳсулотини шакллантиришда асосий бўлин, балки аҳоли бандлиги ва даромадлари манбаининг тақомиллашуви, шунингдек, фаровонликка эришишнинг муҳим омили ҳамдир.

Жорий 2015 — Кексаларни эъзолаш йилида ҳам "Агробанк" АТБ томонидан аҳоли фаровонлиги ва реал даромадларининг изчил ўсишини таъминлаш, иш билан бандликни ошириш, кичик бизнес ва хусусий тадбиркорликни, фермерлик ҳаракатини янада ривожлантириш, оилавий бизнес ва миллий хунармандчиликни тараққий эттириш борасида кенг қамровли ишлар амалга оширилиши кўзда тутилган.

Банк материаллари асосида "Ishonch" мухбири Жамшид ЭРГАШЕВ тайёрлади.

ФАКТ ▶ 2014 йилда мамлакатимизда касб-хунар коллежлари битирувчилари орасида ўз бизнесини ташкил қилишга интилаётган йигит-қизларга 170 миллиард 700 миллион сўм миқдорда кредитлар ажратилди.

Санъат гунчалари

Тошкент вилоятининг Бўстонлиқ туманидаги 17-болалар музика ва санъат мактабига қадам босишингиз билан мафтункор куй-қўшиқлар ола...



санъат мактабида ўқишган. Мактаб ўқувчилари турли танлов ҳамда фестивалларда қатнашиб...

ЁШ ИСТЕЪДОДЛАР МАСКАНИ

— Мактабимизда 248 нафар ўғил-қиз санъатнинг 18 та йўналиши бўйича сабоқ олмакда...

радиган турли музика асбоблари, компютер, электрон жиҳозлар хавасингизни келтиради.

гач, амалий санъат, хореография ва театр санъати бўлимлари ҳам фаолият кўрсата бошлади.

Турфа олам

Машҳур испан rassomi Пабло Пикассоннинг невараси Марина Пикассо ўз шахсий коллекциясидаги бобосининг расмларини 290 миллион долларга сотмоқчи...

Рассом мероси

У 1905-1965 йилларда чизилган камда 7 та суратни сотиши мумкин. Жумладан, "Она" картинаси 54 миллион, "Аёл портрети" эса 60 миллион долларга баҳоланган.

Топилма Миср маликасими?

Мисрда археологлар гуруҳи аввал номлашум бўлган Қадимги Миср маликасининг жасадини топди, де-хабар тарқатди Segodnya.ru.

50 йилда 270 минг километр

Британилик соҳиб марафончи Рон Хилл 50 йил давомида ҳар куни бир мил, яъни 1,6 километр юзган, де-хабар қилмоқда The Independent.

— Бир одатга қанчалик ўргансангиз, уни бажариш шунчалик осон бўлади. 50 йил давомида Рон 160 минг мил, яъни 270 минг километрни босиб ўтган.

Кўзи ожизлар учун смартфон

Шеффилд университети саноат дизайни факултети талабаси кўзи ожизларга мўлажалланган "Shikun Sun" деб номланувчи смартфон ишлаб чиқди...

Курилмада Брайл ҳарфларидан фойдаланилади. Унинг ёрдамида кўнғирқоқ қилиш, хабар жўнатиш, мессенжер, иловалардан фойдаланиш ва музика тинглаш мумкин.

Икки уммонни бирлаштирувчи канал

Associated Press ахборот агентлигининг хабарига кўра Никарагуада Атлантика ва Тинч океанларини бирлаштирувчи кемалар қатнови йўлга қўйиладди.

Хитойнинг NKND Group компанияси барпо этадиган сув йўли Панама канали муқобили бўлиши кутилмоқда. Никарагуа етакчиси Даниэл Ортега халққа телемуражаат билан чиқиб, лойиҳа Никарагуа ва бутун Марказий Америкадаги иқтисодий вазиятни ўзгартиришини айтди.

Интернет материаллари асосида А.А.РАФИКОВ тайёрлади.



САЛОМАТЛИК КУНИ

1-Тошкент педагогика коллежи спорт залида таълим муассасаси ходимлари ўртасида шундай тадбир ўтказилди.

МЕХР

Мехр деганлари ажойиб туйғу. Аёлнинг шу гўзал ҳисга боғланиб қолганини ҳамма ҳам тушунавермас керак.

РАНГ

Яхшиси, Сиз МЕХР қидиринг, атрофингиздагиларга меҳр илининг. Шундагина БАХТЛИ яшайсиз.

Қатрала

Эх, болажон, нега бунча ўзингни қийнайсан? Бундай бўёқни сен-ку сен, буюк рассомлар ҳам тополмаган-ку?!

«Navoiy mulk markazi» MCHJ бошлангич баҳоси босқичма-босқич олиб бориш тартибида ўтказиладиган очик аукцион савдосига таклиф этади!

Савдога Ўзбекистон Республикаси Адлия Вазирлиги ҳузуридagi суд қарорларини ижро этиш, судлар фаолиятини моддий жиҳатдан таъминлаш департаменти Навоий вилоят ҳудудий бошқармасининг 2014 йил 30 декабрдаги 06-770/14-сонли буюртмасига асосан, Навоий шаҳар, М.Улубек кўчаси, 21-уйда сақланаётган, техник таъмир талаб, 2004 йилда ишлаб чиқарилган, давлат рақами 85 889 САА бўлган, "Матиз" русумли автотранспорт воситаси кўйилмоқда. Бошлангич баҳоси — 7 080 707 сўм.

Аукцион савдолари хабарномаси!

«KO'SHAR MULK SAVDO SERVIS MChJ Vuxoro filiali» Бухоро шаҳар, Мустақиллик кўчаси, 10-уй манзилида бўлиб ўтадиган аукцион савдоларига таклиф этади.

саволлар бўйича кўйидаги манзилларга мурожаат қилишингиз мумкин. «Аукцион ташкилотчиси» — «KO'SHAR MULK SAVDO SERVIS MChJ Vuxoro filiali».

Table with columns for various regions: Тошкент, Нукус, Урганч, Бухоро, Навоий, Қарши, Термиз, Самарқанд, Жиззах, Гулистон, Фарғона, Наманган, Андижон. Each column contains numerical data.

O'zbekiston kasaba uyushmalari Federatsiyasi Muassis: O'zbekiston kasaba uyushmalari Federatsiyasi

Bosh muharrir v.b. Jahongir Sharofboyev Tahrir hay'ati: Muhammad Ali Ahmedov, Baxtiyor Mahmadiyev, Oksana Belausova, Eson Rajabov.

Bo'limlar: Kasaba uyushmalari hayoti — 256-87-63, Huquq va xalqaro hayot — 256-64-69, Milliy-ma'naviy qadriyatlar va sport — 256-82-79, Xatlar va muxbirlar bilan ishlash — 256-85-43, Reklama va e'lonlar — 256-87-73.